

Samarbeidsavtale mellom Alver kommune og Austrheim kommune om elevar som skal avslutte barneskule på Kaland skule

§ 1 Kven avtalen gjeld

Avtalen gjeld dei elevar tilhøyrande Alver kommune som våren 2021 går på Kaland skule i Austrheim kommune på grunn av tidlegare gjesteelevordning. Elevane det gjeld vil frå hausten gå på 3.-7. trinn. Elevane vil kunne halde fram på Kaland skule sjølv om Lindås barneskule er deira nærskule. Avtalen gjeld i 5 skuleår frå 1. august 2021 og ut skuleåret 2025/26. Elevar i 1. klasse byrjar frå skuleåret 2021/22 på Lindås barneskule. Elevar som flyttar til området under den tidlegare gjesteelevordninga, byrjar på Lindås barneskule.

§ 2 Økonomi

Austrheim kommune har ansvar for ordinære kostnader for elevane som kjem inn under samarbeidsavtalen.

Alver kommune har ansvar for kostnader knytt til skuleskyss etter loven, på kommunale og fylkeskommunale vilkår. Alver kommune har ansvar for kostnader knytt til spesialundervisning. Refusjon av kostnader til spesialundervisning følgjer satsane for gjesteelevar i Vestland fylke, sist justert i april 2021. Faktura blir sendt halvårleg, innan 1. juni og 1. desember.

§ 3 Spesialundervisning

Ved behov for sakkunnig vurdering etter § 5-1 i opplæringslova, er Alver PPT sakkunnig part. Vedtak om spesialundervisning vert fatta av Alver kommune i samarbeid med rektor på Kaland skule. Årleg rapport på gitt tiltak skal sendast Alver kommune.

Kaland skule skal ha ein fast kontaktperson i Alver PPT som ein kan kontakta ved behov.

Før ein tar stilling til eventuell bruk av alternativ opplæringsarena, skal ein ha drøfta saka med Alver kommune v/tenesteleiar. Det skal utarbeidast sakkunnig uttale i kvart tilfelle før tiltak vert sett i verk.

Vurdering av vedtak vil bli sett i lys av eit likeverdig tilbod i Alver kommune.

§ 4 Dialog om opplæring og læringsmiljø

Alver kommune og Kaland skule skal jamleg ha dialog om opplæringa til elevane. Halvårleg gjennomfører rektor på Kaland skule og tenesteleiar i Alver eit samarbeidsmøte.

Årleg gjennomfører Alver kommune og Kaland skule eit planlagt dialogmøte om læringsresultat og læringsmiljø. Alver kommune har ansvar for å organisere og kalle inn. I forkant sender Alver kommune ut førebuingmateriell knytt til opplæring og læringsmiljø.

Kaland skule utarbeider årleg ein rapport om elevane sitt skulemiljø. Ein nyttar same mal som for skulane i Alver.

§ 5 Skuleskyss

Austrheim kommune har ansvar for å sikre rettane som elevane denne avtalen gjeld, har til fri skuleskyss.

Det gjeld:

- Retten til fri skyss på fylkeskommunale vilkår. Dette gjeld for lang skuleveg og ved varig eller mellombels funksjonsnedsetting eller sjukdom. Fylkeskommunen har ansvar for skyssen til og frå skulen. Kommunen administrerer søknader.
- Farleg eller vanskeleg skuleveg. Kommunen har ansvar for handsaming av søknader og å fatte vedtak.
- Behov for reisefølge og ordningar ved delt bustad vert vurdert i kvart tilfelle.

§ 6 Varsel til Alver kommune

I ein del tilfelle som gjeld elevar skal skuleeigar varslast av rektor/skulen. I saker der Kaland skule har varsla Austrheim kommune som skuleeigar, skal Austrheim kommune v/kommunalsjef varsla Alver kommune v/kommunalsjef i dei saker som vedkjem elevane som denne avtalen angår.

Til dømes er dette ved:

- Stort fråvær frå skulen/opplæringa
- Der elevar utset, eller vert utsett for vald
- I saker der andre instanser er kopla inn
- Saker som følgjer under opplæringslova Kapittel 9A om elevane sitt skulemiljø

§ 7 Oversikt over elevar

Det vert halde oversikt over elevane sin tilhøyrigheit til klasse/gruppe/trinn i kvart av kommunane sine system. Kaland skule gjev informasjon til Alver kommune ved eventuelle namne- og adresseendringar og informasjon om kontakt til begge føresette. Det vert sendt kopi av flyttemeldingar til Alver kommune.

§ 8 Handtering av arkiverdige opplysningar

Austrheim kommune/Kaland skule har elektronisk elevmappe for elevar som går på skulen. Det er Austrheim kommune sitt ansvar å oppbevare arkiverdige opplysningar og etter at elevane har slutta på Kaland skule. Dette gjeld for elevar som går ut våren 2021 og for heile tidsrommet avtalen gjeld.

Alver kommune opprettar eigne elevmapper for alle elevane. I desse mappene ligg det informasjon om at dei er/har vore elevar ved Kaland skule. I tillegg vil det bli arkivert naudsynt dokumentasjon sakshandsama av Alver kommune. Dette gjeld for elevar som går ut våren 2021 og for heile tidsrommer avtalen gjeld.

Krav om innsyn i elevmappe etter at eleven har slutta, blir handtert av Austrheim kommune. Alver kommune handterer innsyn i dei opplysningar som er arkivert i Alver kommune.

Austrheim kommune har ansvar for å handtere personopplysningar etter gjeldande regleverk, jfr. personvernforordninga og personopplysningslova.

Bjørnar Fjellhaug
Kommunedirektør
Austrheim kommune

Kristin Moe
Kommunalsjef oppvekst
Alver kommune